



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio III.

urn:nbn:de:hbz:466:1-15653

ANNO
CHRISTI
1409.

contra prædictos dominos contendentes, imo verius colludentes de papatu, & pro sancta vnione in ecclesia Dei habenda, prout in forma, &c. Ordinatique sunt aduocati & notarii pro ista causa deducenda. Quibus factis, procuratores prædicti accusauerunt contumaciam dictorum contententium de papatu, & petierunt eos reputari contumaces in materia schismatis & fidei, ac in contumacia & defectu poni. Et fecerunt legi citationes & prouocationes dictorum contententium, & relationes executorum, &c. Quibus non obstantibus, Concilium sacrum de benignitate ordinauit expectandum vsque ad aliam sessionem, quæ fuit ordinata ad vigesimam sextam diem dicti mensis Martii.

SESSIO II.

Qua die adueniente, celebrata Missa, & feruatis solennitatibus vt supra, dicti contendentes fuerunt euocati ad valvas ecclesiæ, modo quo supra in media sessione. Et quia non comparuerunt, nec aliquis pro ipsis, fuit vt supra contumacia accusata. Nihilo minus Concilium sacrum iterum de benignitate dixit eos expectandos vsque ad penultimam diem dicti mensis Martii, ad quam diem ordinauit proximam sessionem: qua die, videlicet trigesima Martii adueniente, fuit processum vt sequitur.

SESSIO III.

Declaratio & decretum latum contra duos contententes de papatu ob contumaciam ipsorum in causa fidei & schismatis contumaciæ, prolata ex ore domini Prænestini sanctæ Romanæ ecclesiæ cardinalis Pictauensis vulgariter nuncupati, ex commissione totius Concilii & assensu vnanimi.

Vniuersis & singulis, sacra mandante Synodo, tenore præsentium intimatur, quod hac die Sabbati penultima huius mensis Martii in ecclesia cathedrali Pisana, celebrata deuote & solenniter Missa, pro vnione sacrosanctæ ecclesiæ ordinata, dictis in cantu litanis, & deuotis orationibus, ac expletis aliis in talibus consuetis; auditis quibusdam propositionibus & petitionibus deputatorum, aduocatorum, & procuratorum sacrosanctæ Romanæ ecclesiæ, iniquis de papatu contententium ausibus, laceffentium laceffito-

Concil. Tom. 29.

Bb ij

rum; proh dolor: Imo diutissime per quas recensito, quod attenta contumacia infra scriptorū de papatu contendentium, proxime lapsorum, in processu huius causæ descripta; petitum extitit, eosdem contendentes, etiam cardinales eis adhaerentes, & alios ad huiusmodi Concilium legitime euocatos, reputari, decerni, & declarari contumaces, iam bis, & nunc tertio, prorogata seu continuata dies instat, in qua contendentes ipsi, & cardinales ipsis adhaerentes, ceterique vocati comparere tenentur, accusatque legitime.

Tandem ipsa die contumacia prædictorum contendentium, & petito eos contumaces reputari, decerni, & declarari, ipsa sancta Synodus, seu hoc sacrosanctum generale Concilium ante dictum, præfatis contendentibus & aliis legitime, vt ex processu constat, ad valuas ecclesiæ vocatis, aliisque seruatis seruandis, vnanimi consensu vocatorum supradictorum contendentium & aliorum contumaciam reputauit, decreuit & declarauit per organum domini cardinalis Pictauiensis, vt in schedula continebatur, cuius tenor sequitur, & est talis.

Sancta Synodus, seu hoc sacrum generale Concilium dominos Petrum de Luna, Benedictum XIII. & Angelum Corarium, Gregorium XII. nuncupatos, de papatu contendentes, & quantum in eis est, ecclesiam Dei notorie in schismate tenentes, legitime requisiti, vocatos & proclamatos in causa schismatis & fidei ad hoc præfens sacrum & generale Concilium & omnia in eo agenda non venientes, seu non comparentes legitime per se nec per alios, nec termino statuto satisfacientes, licet expectatos post terminum per duas sessiones, reputat, decernit & declarat in causa schismatis & fidei contumaces, ponitque in contumacia & defectu, & ordinat in eorum contumacia debere ad vltiora procedi & procedendum fore: Ordinans sessionem aliam fieri die Lunæ post dominicam in Albis, quæ erit 15. die mensis Aprilis. Ad quam diem ordinat præfens generale Concilium dominum cardinalem Tudertinum domino Gregorio adhaerentem, & dominos Ioannem Sabinsensem episcopum, sancti Hadriani, sanctæ Mariæ in via lata, de Flisco, & de Chalanco, vulgariter nuncupatos, sanctæ Romanæ ecclesiæ cardinales domino Benedicto adhaerentes, de benignitate expectandos fore cum intima-

ANNO
CHRISTI
1409.

tionem. Quod si prædicti duo contendentes, & præfati domini cardinales non comparuerint in dicto termino, ad vltiora procedetur, eorum contumacia non obstante. Ordinavit nihilominus præsentem ordinationem in valuis cathedralis ecclesiæ affigi publice, vt de præmissis non valeant ignorantiam allegare.

SESSIO IV.

Qua die Lunæ decimaquinta mensis Aprilis adueniente, Missa ibidem celebrata, & aliis quæ ad diuinum cultum spectant, vt moris est in Concilio generali, vt supra declaratum est, & comparuerunt ambassiatores Ruperti de Bauaria sanctæ sedis imperatoriæ electoris, qui palam publice proposuerunt pro impugnando conuocationem contendentium: secundo subtractionem factam per cardinales suæ obedientiæ: tertio vnionem collegiorum, &c. Quibus auditis: fuit eis dies assignata ad audiendum responsionem super propositis ad vigesimum quartum diem dicti mensis Aprilis: fuitque his non obstantibus processus continuatus, vt supra, vocando ad valuas ecclesiæ, si duo contendentes, aut eorum alter, vel aliquis pro eis esset in hac præfata ciuitate Pisana, vt supra. Quibus non apparentibus, fuerunt reputati contumaces, vt supra, continuando sessionem aliam ad diem Mercurii vigesimam quartam prædictam: quo termino pendente, præfati ambassiatores imperatoris secunda die recesserunt illicentia, & hospite non salutato.

SESSIO V.

Dicta die Mercurii vigesima quarta mensis Aprilis adueniente, Missa & solennitatibus seruatis, fuit accusata contumacia dictorum contendentium, vt supra: fecitque promotor seu procurator ecclesiæ vniuersalis proponi certos articulos contra ambos contendentes, concludentes plura ad propositum vnionis, & contra dictos contendentes: & requirebat quod darentur commissarii, licet perpetrata essent notoria, pro informatione maiori. Tunc fuit dies assignata ad hoc pro alia sessione, scilicet ad vltimam diem Aprilis.

Bb iij